



17. august 2012

UKA 2012/33

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumu-una saqqummiuppara:

Sunngiffimmi aallaaniarsinnaanermut akuersissummik qinnuteqartumut immikkut akuersissummik tunniussisoqassappat piumasaqaataavoq qinnuteqartup Kalaallit Nunaanni angerlarsimaffeqarnissa taamaasillunilu inuiaqatigiinnut kalaallinut attuumassuteqarnissamut piumasaqaatinik naammassinnissimanissaa tamatumalu ersarissumik allassimalernissaa anguniarlugu Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersup kiisalu Sunngiffimmi aallaaniarsinnaanermut allagartat pillugit Namminersornerullutik Oqartussat nalunaarutaat nr. 21, 28. november 2003-meersup kingusinnerpaamik UPA2013-mi allanngorteqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jørgen-Ole Nyboe Nielsen, Demokraatit)

Tunngavilersuut

Kalaallit Nunaanni inuppassuit kissaatigaat sunngiffimmi aallaaniarsinnaanermut akuersissummik peqarnissartik. Taakku ilaat Kalaallit Nunaata avataani angerlarsimaffeqarput Kalaallit Nunaannili ukiorpassuarni sulisimallutik tassunga atatillugu kalaallit nunaanni inuiaqatigiinnut attuumassuteqataasutut akileraartarnikuupput.

Pituffik kommunit aggulunnerisa avataaniippoq Pituffimmilu innuttaasut periarfissaqangillat ilaqutalisaarnissaminnut. Taamaattumik ilarpaalussui Danmarkimi illoqarput nammineq ilaquttamilu inigisaannik aamma amerlasuut Danmarkimi sillimmasiinikkut attaveqarput, taakkulu pigissa- gaanni piumasaqaataavoq Danmarkimi inuttut allattorsimaffimmi nalunaarsorneqarsimanissaq.

Pituffimmi sulitilluni Kalaallit Nunaanni inuit allattorsimaffianni nalunaarsorneqarsimanissamut piumasaqaatip naammassinissaa tamatigit iluatsissinnaaneq ajorpoq. Inatsimmi pineqartumi inuit allattorsimaffianni nalunaarsorneqarsimanissamut piumasaqaat atornagu immikkut akuersisoqarsinnaasarpog assersuutigalugu qinnuteqartut Kalaallit Nunaannut attuumassuteqarnerat naapertuuttutut isigineqarpat. Piviusulli aallaavigalugit ilisimaneqanngilaq taamatut attuumassuteqarnermut assersuutigalugu ukiuni arlalinni akileraartarsimaneq ilaatinneqarnerisog, tassani innuttaasog kalaallinut inuiaqatigiinnut pilersueqataasarpog. Taamaattumik siunnersuutigaara inatsimmut ersarissumik ilanngunneqassasog najugaqartussaataaneq eqqarsaatigalugu immikkut akuersisoqarsinnaassasog, takuneqarsinnaappat qinnuteqartoq Kalaallit Nunaanni akileraartartoq. Tamatumunnga atatillugu immaqa aalajangersarneqarsinnaavoq akileraartarnissaq piumasaqaataasog soorlu ukiuni siuliini marlunni sunngiffimmi aallaaniarnissamut akuersissutip tunniunneqannginnerani.

Pisortanut aningaasatigut allaffissornikkullu kingunissai

Inatsisip allangortinnissaa nukinnik atuiffiusinnaavoq, Demokraatinili naatsorsuutiginnilarput, AC-p ukiup ilaani qaammatini pingasuni sulisarneranit annertunerussasoq. Naalakkersuisut ingerlatsinermut missingersuutaasa iluani akilerneqarsinnaassaaq.

Namminersorlutik Inuitissarsiortunut aningaasatigut allaffissornikkullu kingunissai

Siunnersuutip pivisunngortinneqanera namminersorlutik inuitissarsiortunut aningaasatigut allaffissornikkullu kinguneqarnerlunnaviangilaq

Innuttaasunut aningaasatigut allaffissornikkullu kingunissai

Siunnersuutip pivisunngortinneqanera innuttaasunut aningaasatigut allaffissornikkullu kinguneqarnerlunnaviangilaq

Innuttaasut ilarpaaluisa sunngiffimmini aallaaniartarnissartik nuannarutigisassavaat.